

Henning und Bertold Lesseman und ihre Schwester Metele Tylen verpflichten sich, dem Kapitel von S. Blasius in Braunschweig jährlich ein Pfund zu zahlen für vier Hufen in Reppner, die sie zu Erbpacht besitzen. 2. April 1365

*Überlieferung: Wolfenbüttel StA, 7 Urk 348; Orig. perg.
Siehe o. S. 185, 238.*

We Henning unde Bertold brodere gheheten Lesseman unde Metele Tylen vrowe molners use suster unde use erven bekenet openbar in dissem breve, dat we scullen unde willen gheven unde betalen alle iar in sinte Michels daghe¹²⁰ en punt Brunswikescher niger penninge ane vortoch den erbern hern deme dekene unde deme capitel to sinte Blasiuse in der borch to Brunswich vor ver hōve landes unde dat dar to hord in dorpe unde in velde to Repener¹²¹ erves tinsgudes, de se us darumme ghelaten hebbet. Unde wanne we ok wolden de silven hōve verkopen eder versetten umme redelik ghelt van noth weghene eder, wū dat to queme, dat scolde we unde use erven unde wolden den silven hern dat irst witlik don unde beden en, ef se dat umme redelike penninge beholden wolden. To betughende disse ding hebbe we ghebeden Iordan Stapel¹²², Eylard van der Heyde¹²³ unde Heyneken Stapel borgher to Brunswich, wente we nene ingeseghele hebbet, dat se dissen bref dor usen willen beseghelt hebbet mit ern ingesegheln. Unde we Yordan, Eylard unde Heyneke vorbenomd bekenet, dat we alle disse vorscrevenen ding twischen den vorbenomden hern up ene half unde Henninge unde Bertolde unde Metelen vorscreven up ander half ghedeghedinget hebbet unde us witlik sint; dat betughe we mit usen ingesegheln, de we vor ūs unde dor bede willen Henninges unde Bertoldes gheheten Lesseman unde Metelen erer suster vorbenomd to dissem breve ghehenget hebbet. Dit is gheschen unde ghegheven na godes būrd dritteynhundert iar in deme vif unde sestighesten iare des neghesten midwekens vor deme palme daghe.

Plica mit drei anhängenden Siegeln.

¹²⁰) 29. September.

¹²¹) Salzgitter-Reppner.

¹²²) Chroniken der deutschen Städte 6 (1868) S. 314 Anm. 5.

¹²³) Chroniken der deutschen Städte 6 (1868) S. 509.